



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Stoicorum error, de ira Dei sine gratia, refutatur.

urn:nbn:de:hbz:466:1-45653

autem esse, non est tantum scire, quid cuique debeatur, sed ita res disponere, ut cuique eueniat, quod imperij iustitia requirit. Itaque & gratia beneficium esse, & iuste irasci pertinet ad gubernantem. Quare & ira tribuenda est Deo, & gratia non detra-

Lactant. lib.
de Ira Dei.
cap. 6.

henda. Hac tuenda nobis, & afferenda sententia est, in ea enim summa omnis, & cardo religionis, pietatisq; versatur. Nam neq; honos ullus deberi potest Deo, si nihil prestat colenti; nec onus metus, si non irascitur non colenti.

II.
Ibid. cap. 3.

Itaque primò illud nemo de Deo dixit unquam, irasci eum tantummodo, & gratia non moueri, est enim disconueniens Deo, ut eiusmodi sit potestate præditus, qua noceat & obfit; prodesse vero, ac benefacere nequeat. Quæ igitur ratio, quæ spes salutis hominibus profista est, si malorum tantummodo auctor est Deus? Quid si sit: iam Maiestas illa venerabilis, non ad Iudicis potestatem, cui licet seruare ac liberare, sed ad tortoris & carnificis officium deducatur. Cum autem mala sint in rebus humanis & bona, cur Deum malorum auctorem esse, & non etiam bonorum, dicemus? cur afferemus, diuinam illam potestatem, qua nihil est maius aut melius, nocere posse, prodesse non posse? Quamobrem ira Deo, sine clementia attribui non potest; aut vtraque concedenda, aut vtraque tollenda est. Epicurus & iram Deo, & gratiam negavit pariter, bis' inceptus, ne dicam impius. Qui cum etiam Deo actionem omnem sustulit, vitam ademit, cum sit proprium viuentis agere, & intelligentis intelligere aliquid, & velle, atque erga alios gratia, aut ira moueri, præsertim erga eos, quos subiectos habet. Quæ maior, & quæ dignior administratio Deo assignari potest, quam Mundi gubernatio? quam cura viuentium? maximeq; generis humani, cui omnia terrena subiecta sunt? ait Lactantius. Quæ igitur in Deo potest esse beatitudo, si semper quietus, & immobilis torpet? si precantibus surdus, si colentibus cecus? Quid tam dignum, tam proprium Deo, quam prouidentia? Sed finibil curat, nihil prouidet, amissit omnem diuinitatem. Quod cum dici non possit, fatendum est, eum Mundo prouidere, hoc est, & ira & miseratione moueri.

Ibid. Laet.
cap. 4.

III.
Idem. Laet.
cap. 5.

Error fuit Stoicorum; gratiam in Deo esse, iram non esse. Error fuit, inquit, Nam si Deus non irascitur impys & iniustis, nec pios utiq; iustosq; diligit. In rebus enim diuersis, aut in utramq; partem moueri necesse est, aut in neutram. Itaq; qui bonos diligit, & malos odit: & qui malos non odit, nec bonos diligit, quia & diligere bonos ex odio malorum

lorum venit: & malos odisse ex bonorum charitate descendit. Nemo est, qui amet vitam sine odio mortis; nec appetat lucem, nisi qui tenebras fugit. Adeo natura ista connexa sunt, ut alterum sine altero fieri nequeat. Si quis Dominus habens in familia seruos, bonum ac malum, non utiq; aut ambos odit, aut ambos beneficijs, & honore prosequitur; quod si faciet, & iniquus, & stultus est: sed bonum & alloquitur amice, & ornat, & domi ac familia suisq; omnibus rebus præficit; malum vero maledicit, verberibus, nuditate, fame, siti, compedibus punit; vt & hic exemplo ceteris sit ad non peccandum, & ille ad promerendum; vt alios metus coerceat, alios honor prouocet. Qui ergo diligit, & odit; qui odit & diligit; sunt enim qui diligi debeant; sunt qui odio haberit. Et sicut is, qui diligit, confert bona in eos, quos diligit; ita qui odit; irrogat malas, quos odio habet. Constat ergo Deum nec solùm irasci, nec solùm beneficium esse, nec vtroq; affectu carere. Quid igitur redit, nisi vt alijs irascatur, erga alios gratia moueatur? & sic Mundum, tanquam maximus Pater familias, vtraq; virtute iustitiae & misericordia gubernet? hos foueat, illos plectat, aut etiam immitterentes exerceat, prout summæ illius placuerit Maiestati, & prout unicum optimum esse iudicarit. Quod si homines vigilantissima fide crediderint, in omni fortuna constituti, & amabunt eum, & metuent, & benè patientes erunt, vt annuncient: *Quoniam rectus* Psal. 91. 16.
Dominus Deus noster: & non est iniquitas in eo.

Hac iustitiae misericordiæque mixtura duo hominum genera erudiuntur. Sunt enim molles quidam, qui optarent, Deum ita bonum esse, vt nullum unquam puniret, sed omnia connueret; sic enim præmia tantum speranda, nulla supplicia mortalibus essent metuenda. Nam si hi scelerum sunt patroni, non innocentiae fautores. Si enim iam tot inueniuntur, qui flagitiose viuunt, quid fieret, si sine metu essent, & impunitate? Pyrrho Eliensis, in tempestate, conspiciens ceteros esse animo deiectiores, cum ipse nihil moueretur, ostendit porcellum, in naui, securè edentem, dicens: oportere sapientem eam animantis imitari securitatem. Egregius sanè Philosophus, qui sapientiam voluit docere exemplo porci, cui anima pro sale est, & quo nihil insipientius potest reperiri. Hoc ipso enim hoc animal stolidum est, quia præsentissimum periculum non formidat. Homini autem Deus & natura non indit tantum sensum voluptatis, vt bonis frueretur, sed etiam futuri mali metum, vt discrimina caueret. Quare & ipse debuit iustitiæ

IV.

H tiæ